

Otmar Oduber:

# Minister Lee a bin gaña den sala di Parlamento

ORANJESTAD (AAN) — E miembro riba lista di Partido AVP, y alavez representante di e partido berde den Parlamento, sr. Otmar Oduber, a elabora den conferencia di prensa convoca diahuebs atardi, riba e sucedido den Sala di Parlamento cu el a califica como “un berguena pa pueblo di Aruba”.

Textualmente Oduber a bisa: “Medionan di comunicacion (prensa) a haya documentonan cu a bay awe Parlamento, caminda cu no ta sin mas cualkier conseho nos a pidi.

Nos ta papiando di un conseho cu Raad van Advies a usa y a pidi pa por a bay contra e ley cu awe tabata worde presenta den Sala di Parlamento. Un ley cu Raad van Advies, cu manera a worde bisa, ta e organo mas halto cu ta conseha Parlamento, pa bisa gobierno y Parlamento ‘boso no continua cune’.

Anto e dos consehonan cu ta worde presenta den e Raad van Advies su conseho ta di Procurador General di e Pais Aruba, nos Ministerio Publico, como tambe di e departamento Huridico (CJBAZ), den e caso aki, cu ta muestra riba e hechonan cu a conduci Raad van Advies bisa ‘boso no continua cu e ley aki.

Anto, awe den Parlamento, ora nos tabata haci nos trabao di pidi documentacion cu ta poni akiden, nos a worde nenga di haya esaki sin sa kico e consecucionan ta pa



cu bo persona despues, como miembro di Parlamento, y naturalmente pa e kehonan cu por bin mañan tambe, di parti di Algemene Reken Kamer ora nan controla e trabao”, Otmar Oduber a subraya.

Aunke e tin cu pronuncia un palabra fuerte, Oduber ta haya cu lo peor den henter e situacion aki ta momento cu e Minister a bin den Sala di Parlamento y gaña y haci manera e no ta conoce e documentonan concerni cu e no a wak nan nunca “y cu e no sa di kico nos ta papiando”.

Segun Oduber e mandatario a bira wak si conseheronan na banda, anto tur a knik cune cu tampoco nan no sa.

“Anto con ta posible cu bo mesun persona y bo conseheronan ta traha un carta pa bo, unda bo ta bisa den dje, pasobra e minister a firme preto riba blanco, cu e no ta bay duna e documentonan aki pasobra e ta sinti cu ta su derecho atravez di e ley di ‘Openbaardheid van Bestuur’ pa no dune”, Oduber a expresa.

El a reitera su pregunta pakico e minister ta gaña den Parlamento anto si e no conoce ni sa di nan.

“Ta prueba awe, palpable, cu e minister simplemente ta gaña Parlamento y ora bo gaña shonnan, ta pasobra tin cos malo. Tin cosnan ta holer aki baonan”, segun Otmar Oduber.

Oduber a subraya cu pa e motibo aki AVP no ta participa den un asunto cu despues Aruba Reken Kamer por pidi cuenta y bisa cu como miembro di Parlamento, e institucion mas halto di Aruba, nan a participa den e tipo di

bagamunderianan aki.

Oduber a agrega cu tur hende por corda con e trayectoria di Lotto pa Deporte, bao e minister aki a bay, y cu el a denuncia cantidad di biaha cu el a usa na un forma ilicito, placa di Lotto pa Deporte pa haci campaña politico, contra estatutonan y “te dia di awe, mas cu un aña, nunca el a lanta un caso contra mi”, Oduber a acentua.

Segun Oduber e tempo ey fraccion di AVP a pidi un reunion publico ya cu Minister Lee a nenga pa Central Accountings Dienst y Algemene Reken Kamer haci un investigacion riba miyones di Florin di pueblo di Aruba, cu ta worde hunga atravez di Lotto pa Deporte.

“Despues na un forma camufla a dicidi di endeuda Lotto pa Deporte, pasobra e no por a cumpli cu su promesanan politico ni na

Frans Figaroa ni na su part’ i curazon ayanan na Jaburibari. Tras di lomba di Parlamento a bay y cera un prestamo di 14 miyon Florin atravez di Lotto pa Deporte, pa e por a bin cumpli cu su promesa politico. Anto awe atrobe, pa di tres ocasion, bo ta mira cu un minister cu na tur ocasion a sconde documento pa Parlamento, ta bin bisa y gaña simplemente cu e no sa di documento y cu e no ta bay duna e consehonan di Procurador General cu tin di ‘take care’ e seguridad di e pais aki na Aeropuerto cu ta sumamente vital pa nos turismo, como tambe di Departamento Huridico den e caso aki”, Oduber a enfatiza.

Otmar Oduber ta considera cu e proceder di e mandatario Ramon Lee ta sumamente lamentable.


**TIPLINE DIARIO - TEL: 582-2239**

## REGALITOS CAMPAÑERO!!



**LAS AMERICAS**

(Near Burger King)  
Playa (Caya Grandi)  
Tel: 582-1576



**Maletin Silver**

**Antes Afl. 55,=  
Awor Afl. 45,=**